



# Secziun da catschadurs Bostg

## Andiast | Pigniu | Vuorz | Siat | Rueun

### Protocol dalla radunonza generala dils 24 da schaner 2025 allas 20:00 ad Andiast

#### Suprastonza

Ignaz Spescha, president  
Janic Schlosser, actuar / vice-president  
Toni Cadalbert, cassier  
Paul Cahenzli, survigilader da tir e material  
Gian Luca Dermont, cau da tgira

Presents: 38  
Perstgisas: 8  
Buc spertgisau: 29

#### Tractandas

1. Beinvegni
2. Appel ed elecziun da dus dumbravuschs
3. Approbaziun dalla gliesta da tractandas
4. Approbaziun dil protocol dalla radunonza da primavera dils 8 da matg 2024
5. Rapport dil president
6. Rapport annual dil cau da tgira
7. Rapport dil responsabel da tir e material
8. a) Rendaquen  
b) Rapport dils revisurs  
c) Approbaziun dil quen  
d) rapport dil cassier dalla reunida Pardiola
9. Fixaziun dallas contribuziuns annualas
10. Sera famigliara 2025 ad Andiast
11. Radunonza da delegai dils 10 da matg 2025 a Breil
12. Orientaziun ed approbaziun dil program da lavur 2025
13. Conclus sur da midadas da statuts e reglaments
14. Recepziun da novs commembers e mutaziuns
15. Conclus sur propostas per mauns dalla suprastonza centrala
16. Elecziun per ina perioda d'uffeci dad in onn dils delegai tenor art. 15 A dils statuts dil BKPJV (radunonza da delegai ils 10 da matg 2025 a Breil)
17. Elecziun : D'in cau da tgira per ina perioda d'uffeci da 3 onns
18. Honoraziuns
19. Informaziuns catscha 2024 / guardia selvaschina Patric Ragettli
20. Varia

Tractandas/Conclus/Discussiun etc.	Responsabel
<b>1. Beinvegni</b> <ul style="list-style-type: none"><li>• Ignaz fa a tuts in cordial beinvegni. Specialmein a Gion Fidel Spescha ed a Patric Ragettli.</li></ul>	I. Spescha
<b>2. Appel ed elecziun da dus dumbravuschs</b> <ul style="list-style-type: none"><li>• Sco dumbravuschs vegnan Barbara Hoffmann e Cedric Spescha elegi.</li><li>• Per igl appel cursescha ina gliesta da comembers.</li></ul>	I. Spescha
<b>3. Approbaziun dalla gliesta da tractandas</b> <ul style="list-style-type: none"><li>• La gliesta da tractandas vegn approbada unanimamein</li></ul>	I. Spescha

<p><b>4. Approbaziun dil protocol dalla radunonza da primavera dils 8 da matg 2024</b></p> <ul style="list-style-type: none"> <li>• Il protocol vegn approbaus unanimamein.</li> </ul>	I. Spescha
<p><b>5. Rapport dil president</b></p> <ul style="list-style-type: none"> <li>• I gantz porta avon a nus il raport sco president. El descriva igl onn passau 2024 cun entgins plaid. Plinavon engrazia el a tuttas comembras e comembers dalla secziun Bostg sco era alla suprastonza, per la buna cuminonza e lavur duront igl onn ora. Era vegn menziunau, ch'el seigi propiamein in president « ad Hoc ». Sche zatgi less surpender siu post sche ei quel da tut temps libers. Il rapport dad Ignaz vegn approbaus cun in grond applaus da tut ils presents.</li> </ul>	I. Spescha
<p><b>6. Rapport annual dil cau da tgira</b></p> <ul style="list-style-type: none"> <li>• Gian Luca metta avon il rapport annual. El resuma cuort tut las tginas che han giu liug egl onn 2024.</li> <li>• In grond engraziament va ad "inovaziun" ed Arno Spescha, che haveni astgau segar igl onn 2024 l'emprema gada il prau Salvin cun in motor electric.</li> <li>• Michel Rickli daventa niev candidat dalla secziun Bostg, per igl examen da catscha egl onn 2025.</li> <li>• Ils 25.10.2025 ha liug in di da tgira dil district a Rueun, ell'Isla (plaz da ballapei). Gian Luca fa attents da purtar en quei datum ellas agendas. Ei vegn a dar in avonmiezdi da tgira. Silsunter ha liug ina grillada. Il suentermiezdi date i posts cun legns ed parcours. Era persunas che ein buc involucadas ella catscha astgan prender part quei di.</li> <li>• Il rapport vegn approbaus cun in grond applaus.</li> </ul>	G. L. Dermont
<p><b>7. Rapport dil responsabel da tir e material</b></p> <ul style="list-style-type: none"> <li>• Paul fa ina cuorta resumaziun digl onn da tir passau a Pardiala. Igl ei interessant da veser entginas datas digl onn passau, sco p.ex. ils diembers da siets sin las schibas, ed era cons comembers che prendan part als tirs.</li> <li>• In grond engrazia fetg va alla cumissiun da tir ed als capo tiradurs. Igl onn da tir 2024 ha saviu ver liug cun gronda segirtad ed senza incaps.</li> <li>• Ei fa segir buc donn, sche aunc daplirs comembers fan diever da nies stand da sittar a Pardiala.</li> <li>• Il rapport ei vegnius approbaus unanimamein.</li> </ul>	P. Cahenzli
<p><b>8. a) Rendaquen</b></p> <ul style="list-style-type: none"> <li>• Toni Cadalbert informescha en caussa sur dallas finanzas dalla secziun Bostg. Il rendaquen vegn presentaus e mussaus</li> </ul>	T. Cadalbert S. Hunger

<p>si. Sche enzatgi less il rendaquenn digl onn 2024 sa el senunziar tier Toni Cadalbert per informaziuns detagliadas.</p> <ul style="list-style-type: none"> <li>• Il rendaquen en detagl ei mess tier sut.</li> </ul> <p><b>b) Rapport dils revisurs</b></p> <ul style="list-style-type: none"> <li>• Damian Tuor e Lothar Cavigelli han revidiu il rendaquen. Las quitanzas ein tuttas avon maun ed il quen ei vegnius menaus exacts e schubers. Els fan la proposta dad approbar il rendaquen sco total ed engrazian zun fetg a Toni per sia grondiusa lavur ch'el fa en siu post sco cassier.</li> </ul> <p><b>c) Approbaziun dil quen</b></p> <ul style="list-style-type: none"> <li>• Il quen vegn approbaus unanimamein.</li> </ul> <p><b>d) rapport dil cassier dalla reunida Pardiaia</b></p> <ul style="list-style-type: none"> <li>• Sino metta avon il quen dalla reunida pardiala. Il tal ei vegniuns mess avon en detagl. Il quen ei vegnius menaus schuber ed exact. Aschia ei il tal vegnius revedius. Il rendaquen dalla reunida pardiala ei vegnius approbaus unanimamein.</li> <li>• Il rendaquen en detagl ei mess tier sut.</li> </ul>	
<p><b>9. Fixaziun dallas contribuziuns annualas</b></p> <ul style="list-style-type: none"> <li>• Ei dat neginas midadas</li> </ul>	I. Spescha
<p><b>10. Sera famigliara 2025 ad Andiaist</b></p> <ul style="list-style-type: none"> <li>• La sera famigliara ha liug ils 22 da mars 2025 ad Andiaist en casa da scola allas 19.30 uras.</li> <li>• L'invitaziun suanda dils catschadurs d'Andiaist en in e-mail. Per posta lai Janic ir las brevs, pils tals che possedan negina adressa d'e-mail.</li> <li>• Conradin fa attents tut ils presents, da purtar en quei datum ell'agenda. Ei fa plascher sche tons sco pusseivel san separtizipar.</li> </ul>	C. Tuor
<p><b>11. Radunonza da delegai dils 10 da matg 2025 a Breil</b></p> <ul style="list-style-type: none"> <li>• Roland informescha sur dall'organisaziun dalla radunonza da delegai a Breil.</li> <li>• La radunonza ha liug ils 10 da matg 2025. El supplichescha tuts da nudar quei Datum sco era ils 8./9. da matg per drizzar en tut. Ei vegn a dar ina gronda lavur e nus essan visai sin tut ils comembers dalla secziun Bostg sco era dalla secziun Tumpiv.</li> <li>• Era glied che ein buca ella secziun ni che han buc da trafficar culla catscha ein envidai en per segidar sin ina u outra moda.</li> </ul>	R. Vincenz

<ul style="list-style-type: none"> <li>• Il program da lavur per la radunonza vegn tschentau tier electronicamein. Las lavurs da preperaziun ein sin turas aultas. Pliras Informaziuns suandan.</li> </ul>	
<p><b>12. Orientaziun ed approvaziun dil program da lavur 2025</b></p> <ul style="list-style-type: none"> <li>• Ignaz metta avon il program da lavur e termins per igl onn 2025/26. Ei dat neginas midadas. Il tal vegn approbaus unanimamein.</li> </ul>	I. Spescha
<p><b>13. Conclus sur da midadas da statuts e reglaments</b></p> <ul style="list-style-type: none"> <li>• Ei dat neginas midadas ellas statutas e reglements.</li> </ul>	I. Spescha
<p><b>14. Recepziun da novs commembers e mutaziuns</b></p> <ul style="list-style-type: none"> <li>• Michel Rickli ei niev candiat per igl examen da catscha.</li> <li>• Andrea Caviezel, Albert Spescha, Arno Tuor e Fabian Flepp extreschan ord la secziun Bostg sco commembers A.</li> <li>• Ei dat negins comembers novs.</li> <li>• Albert Spescha stat vinavon a disposiziun sco centrala digl schurmetg d'anseuls.</li> </ul>	J. Schlosser
<p><b>15. Conclus sur propostas per mauns dalla suprastonza centrala</b></p> <ul style="list-style-type: none"> <li>• Ei dat neginas propostas per mauns dalla suprastonza centrala</li> </ul>	Tuts
<p><b>16. Elecziun per ina perioda d'uffeci dad in onn dils delegai tenor art. 15 A dils statuts dil BKPJV (radunonza da delegai ils 10 da matg 2025 a Breil)</b></p> <ul style="list-style-type: none"> <li>• Remo Alig e Sino Hunger vegnan elegi unanimamein sco delegai per la radunonza da delegai a Breil.</li> </ul>	I. Spescha
<p><b>17. Elecziun: D'in cau da tgira per ina perioda d'uffeci da 3 onns</b></p> <ul style="list-style-type: none"> <li>• Remo Alig ei vegnius elegius unanimamein sco niev cau da tgira dalla secziun Bostg cun in grond applaus. El vegn gia luvraus en ellas lavurs da Gian Luca. Ignaz fa in grond engraziament, cun quei ch'ei secapescha buca da sesez ozildi, da surpender in tal post.</li> <li>• Gian Luca ha demessiunau il post sco cau da tgira. Ignaz ha surdau ad el el num dalla suprastonza e dil Bostg in regal, per sia grondiusa lavur duront il temps passau.</li> </ul>	I. Spescha
<p><b>18. Honoraziuns</b></p> <ul style="list-style-type: none"> <li>• Norbert Dermond vegn honoraus sco comember veteran. Janic ha gia anunziau el tier il BKPJV. La</li> </ul>	J. Schlosser

<p>medaglia vegn surdada dalla sera famigliara ad Andiast, cun quei che la medaglia ei aunc buca arrivada.</p>	
<p><b>19. Informaziuns catscha 2024 / guardia selvaschina Patric Ragetti</b></p> <ul style="list-style-type: none"> <li>• Patric informescha tuts sur dalla catscha 2024 passada. El metta avon las ceffras en entginas graficas.</li> <li>• Tsharvas, Cavreuls, Camutschs, Capricorns. (Animals da greffla).</li> <li>• Vinavon sunadan informaziuns/ceffras sur dils animals da rappina.</li> <li>• Ei vegn discussiunau bia, sur da tematicas sco catscha speciala, futur per la catscha...etc. Nus havein mintgamai survegniu informaziuns detagliadas da nies guardia selvaschina. Entginas tematicas ein segiramein heiclias. Tgei che vegn a schabegiar el futur san ins mo dir grev. Actualmein essan nus ussa en ina phasa da stabilisaziun, quei che pertucca la catscha sin animals da greffla. Eid at differents meinis.</li> </ul>	<p>P. Ragetti</p>
<p><b>20. Varia</b></p> <ul style="list-style-type: none"> <li>• Midadas dil tir intern. La secziun Tumpv less buca pli prender part al tir intern ensemen cun la secziun Bostg. Igl ei vegniu rimnau durant la radunonza entginas ideas. Paul Cahenzli pren cun quellas per la cumissiun da tir a Pardiala. Il Plan ei, da saver sittar il tir intern sur plirs trenaments ora en fuorma da differents stechs. Silsunter dess ei ina rangaziun en communitad.</li> </ul>	<p>Tuts</p>

Waltensburg/Vuroz, ils 27 da schaner 2025

igl actuar  
Janic Schlosser